

Oqaasiliortut marlungornermi martsip 30-anni 2004, nal. 10.00 Oqaasileriffimmi ataatsimiinnerannit imaqarniliaq.

Peqataasut: Carl Chr. Olsen, Stephen Heilmann, Nuka Møller, Ellen Jensen, Liisi Egede Hegelund Oqaasileriffimmiillu Bolatta Vahl.

Allatsigalugu: Pia N. Knudsen

Oqaluuserisassat:

1. Ilisimatitsissutit
2. Ataatsimiinnermit kingullermit imaqarniliaq
3. Allagartalersuutit suliarinissaannut periaasissat (KANUKOKA, Securitas)
4. Fremtidsværksted (Tine Parsip siunnersuutaa)
5. Taasariaqartut allat


-1 pillugu-

CCO: Oqaasiliortut ataatsimiinnissaannut tikilluaqqusivoq.

Oqaasileriffimmiit Bolatta Vahl taaguusersuutinik suleriaaseq pillugu imm. 5-mi saqqummiissasoq CCO-p ilisimatitsissutigaa.

Nordisk Sprogrådip atorunnaarluni Nordens Sprogrådinngorpoq, ukiumoortumik Nordisk sprogmode ingerlanneqartassasoq aalajangerneqarsimavoq CCO ulluni qaninnerni ataatsimiigiassaaq.

Februaarimi Eqalunni Oqaasiliortunik pilersitsinissaq anguniarlugu ataatsimeersuartoqarpoq, Carl Chr. Olsen Kalaallit Nunaanni Oqaasiliortut sinnerlugit qaaq-qusaavoq ingerlariaatsimik siunnersuinissaa kissaatigalugu.



Aprilip naalernerani Arctisk Rådi klima pillugu ataatsimiititsinerani Eqalunniit Lene Ivik (Pirvuvik) iluatsitsissaguni peqataasussaavoq, Oqaasiliortut ataatsimeqatiserisimavai.

-2 pillugu-

Imaqarniliaq februarip 24-anneersoq Oqaasiliortunut nassiunneqassaaq.

LEH: Januarip 12-anni 2004 Oqaasiliortut ataatsimiinneranni Oqaasileriffimmi suliat eqqaaneqartut sumut killinneri LEH-p apeqputigai.

CCO: Psykisk arbejdsmiljø upernaaru naammassinissaa naatsorsuutigineqarpoq, inuit immikkut ilisimasallit pissarsiariniartarnerisa ajornakusoortarneri suliamut kinguarsaataasimasut CCO-p eqqaavaa.

Peqqissaavinni oqaatsit sapaatit akunneri pingasut missaat qaangiuppata saq-qummernissaa naatsorsuutigineqarpoq.


LEH: Isumattorsaqatigiinnermi Oqaasileriffimmi suliassat pillugit eqqaaneqartut sumut killissimanersut apeqputigaa.

CCO: Oqaasileriffiup nittartagaanut qalipaait, naasut, aalisakkat, stavekontrol, ordbogeeraq aamma Oqaatsit-nit taaguutit ikkussuunneqassapput.

-3 pillugu-

CCO: Allagartalersuutit KANUKOKA aamma Securitas-mit Oqaasiliortunut nassiunneqarnikut ataatsimiinnermi tullermi eqqartorneqassapput.

-4 pillugu-



Tine Parsip *Fremtidsværksted* kalaallisut taaguutissaanik siunnersuuteqarpoq imaattumik *Siunisserivik*, siunnersuut allaganngorlugu tiguneqarnikuunngimmat Tine Pars allaffigineqassaaq allakkamik naatsumik nassuiaasioqqullugu.

-5 pillugu-

CCO: Oqaasileriffiup oqaatsit ataasiakkaat tamaasa katersorsinnaavai, oqaatsilli ”taallatut” allanneqarsimasut copyrighteqarmata katersani immikkut ilanngunneqarsinnaanersut qinnutigisinnaavai.

EJ: Oqaatsinik taaguutinillu katersinermi meeqqat nappaataannut tunngasut Oqaasileriffimmit pigineqarnersut ilanngunneqarniarnersullu CCO-mut apeqqutigai. Abia Abelsen Oqaasileriffeqanngikkallarmat tunniussaqaarsimalluni oqarsimavoq.

CCO: Abia Abelsen Oqaasileriffimmiit attavigineqassaaq taaguutit pineqartut sumut nassiussimanerai paasiniaaffigalugu.

LEH: Oqaasiliortut ataatsimiittarnissaasa ulluisa aalajangersorneqarnissaat pisariaqartoq LEH-p oqaatigaa, siunnersuutigalugulu qaammatip aallartinnerani marlungorneq siulleq pingajuallu aalajangersimasumik ataatsimiiffigineqartassasut.

LEH-p siunnersuutaa akuerineqarpoq, aalajangerneqarlunilu Oqaasiliortut qaammatip aallartinnerani marlungornermi siullermi pingajuannilu nalunaaquataq qulinut ataatsimiittassasut.

Ataatsimiinnissaq tulleq pissaaq marlungornermi aprilip arfernanni nal.

10.00 Oqaasileriffimmi.

Carl Chr. Olsen
Siulittaasoq

Pia N. Knudsen
Allatsi